

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Sestaoko Udala**

Tokiko Gobernu Batzordeak, 2019ko otsailaren 13an egindako bilkuran erabaki du, Diru-laguntzen deialdia, 2019.urtean familiek euskara barnetegietan egonaldiak egiteko.

Sestaoko Udalak Diru-laguntzak emateko udal-ordenantzak xedatutakoa betez, Kultura, Hezkuntza, Euskara eta Kirol Ataleko buruaren txostena ikusirik, Kontu-hartzaile andrearen aldeko txostena ikusirik eta, eta era berean Euskara Informazio Batzordeak, 2019ko otsailaren 6an egindako bilkuran, igorritako Irispena ikusirik, Tokiko Gobernu Batzordeak,

ERABAKI DU:

Lehengoa: Akta honi datzekion dokumentuan jasotako Deialdi Publikoa onartzea. Deialdi horren bidez, hain zuzen, Sestaoko Udalak udalerriko familiei diru-laguntzak emango dizkie ikastaro intentsiboak edo barnetegietan egonaldiak egiteko, euskara ikasten eta erabiltzen jarrai dezaten. Horrek guztiak begiratu egingo du Sestaoko Udalaren Diru-laguntzak arautzen dituen Udal Ordenantza, 158. Bizkaiko Aldizkari Ofizialean, 2007ko martxoaren 22koan, argitaratutakoa; eta, halaber, Diru-laguntzei buruzko azaroaren 17ko 38/2003 Lege Orokorraren aginduak, aplikatzekoak direnean.

Bigarrena: Bi mila euroko zenbatekoa onartzea (2.000 euro), diru-laguntza publikoa emateko, Sestaoko Udalerrian euskarazko ikaskuntza eta praktikaren esparruan.

Hirugarrena: Familia bakoitzari emandako kopuruaren %75a ordaintzea diru-laguntza hori emateko ebazpen-erabakia onartzen den unean.

Laugarrena: Egin daitezela behar diren izapideak erabaki hau Bizkaiko Aldizkari Ofizialean argitaratzeko, eta jakinarazi Udaleko Kontu-hartzaileari eta Diruzainari.

Sestaon, 2019ko otsailaren 13an.—Alkatea, Josu Bergara López



I. ERANSKINA
DEIALDI PUBLIKOA

Lehenengoa. — Helburua eta xedea

1. Diru-laguntza deialdi honen helburua eta xedea Sestaoko udalerriko 16 urtetik gorako pertsona fisikoen eta familien euskararen ikaskuntza eta sustapena bultzatu eta garatzea da. Familian euskararen transmisioa sustatzea, arreta ipiniz sentsibilizazioan, motibazioan, ezagutzan eta erabileran.

Zehazki, diru-laguntzak emanez ikastaro intentsiboetara eta barnetegietara joatea euskara ikasi eta erabiltzera. Jarduera horrek Sestaoko Udalaren esku-hartzea osatzen eta/edo ordeztan du euskararen erabilera sustatzeko esparruan

2. Euskara barnetegietan egindako egonaldiak eta halaber ikastaro intentsiboak egiteak irabazi-asmorik gabekoa behar du izan, garapen esparrua Sestaoko udalerrira izango du, edo, bestela, onuradunek Sestaoko udalerrian erroldatuta egon beharko dute. Gainera, 2019ko ekitaldian garatu beharko da.

Bigarrena. — Diru-laguntza jaso dezaketen egitarauak eta jarduerak

1. Diruz lagundu ahal izango dira 16 urtetik gorako pertsona fisikoek eta familiek egiten dituzten ikastaro intentsiboak eta barnetegietako egonaldiak, beti ere honako baldintza hauek betetzen badituzte:

- Egonaldia euskaltegi eta barnetegien sarean izatea, publikoan zein pribatuan.
- Iraupena bi eta hogeita hamar egun bitartekoa izatea ikastaro intentsiboek dagokionean eta bi eta hogeita hamar gau bitartekoa barnetegietako egonaldian.
- Ikasketa-maila guztiei emango zaie diru-laguntza.
- Familien kasuan, gutxienez, heldu bat eta adingabe bat joango dira. Gehieneko kopurua familiaren tamainaren araberrakoa izango da. Diru-laguntza honi dagokionez, familiazat ulertzen da familia nuklearra, hots, guraso bat edo bi, eta seme-alabak.

2. Sestaoko Udalaren diru-laguntzei buruzko udal-ordenantzak 7.d artikuluan xedatutakoarekin bat, deialdi honen babesean emandako diru-laguntzak lehia-erregimenean esleituko dira.

3. Lehia-erregimenean, diru-laguntzak emateko aurkeztutako eskabideak alderatzen dira, horien artean ordena zehazteko, deialdi honen zazpigarren artikuluan aipatutako irizpideekin bat. Balorazio handiena lortu duten horiei esleituko zaizkie diru-laguntzak, baina ez da inolaz ere gaitutako deialdirako finkatutako aurrekontu-horniduraren zenbatekoa.

Hirugarrena. — Emango diren diru-laguntzen zenbatekoak

Diru-laguntza emateko kontuan hartuko dira aipatu barnetegiak ikastaroagatik edo egonaldiagatik fakturatutako gastuak. Hau da, ez da diru-laguntzarik emango gastu hauek ordaintzeko: garraioa, liburuak, txangoak, edo egonaldiarekin eta/edo euskara ikastearekin lotutako beste edozer.

Ondorioz, diru-laguntza hauen eskatzaileek Udalari aurkezten dizkieten gastu-aurrekontuetan ez da sartuko aipatutako kontzeptuekin zerikusia duen kontu-sailik.

Diru-laguntzen zenbatekoak ezingo du —dela bakarrean, edo dela bat eginik beselako Administrazio edo Erakunde publiko nahiz pribatuek ematen dituzten edotariko diru-laguntzekin, laguntzekin edo diru-sarrerekin— inola ere gaitutako erakunde onuradunak egin behar duen jardueraren kostua. Diru-sarreraren eta gastuen justifikazioa aztertu ondoren, diru-sarrerak handiagoak balira gastuak baino, Sestaoko Udalaren diru-laguntzari kenduko zaio diru-sarreretan izandako soberakinaren zenbatekoa.

Hala eta guztiz ere, baldin ez balego aurrekontu nahikorik ematekoak diren diru-laguntzen guztizko zenbatekoa estaltzeko, diru-laguntza guztiak ehuneko berean murriz-



tuko dira, harik eta dagoen aurrekontu-esleipena nahikoa izan arte guztizko zenbatekoa estaltzeko.

Laugarrena. – Subjektuak

1. Deialdi honetan araututako diru-laguntzen onuradun izateko, izangaiak pertsona fisikoak izan behar dute, irabazi-asmorik gabe jardun, bizilekua Sestaoko udalerrian izan eta deialdi honetan adierazitako jarduerak edo proiektuak egin. Horrez gain, baldintza hauek bete behar dituzte:

Pertsona fisikoek erroldatuta egon beharko dute Sestaoko udalerrian, diru-laguntzen deialdia argitaratu baino urtebete lehenago gutxienez.

- Diru-laguntzak lortzeko, ez duela Diru-laguntzei buruzko azaroaren 17ko 38/2003 Lege Orokorraren 13. artikuluan xedatzen diren debekuetatik bat ere.
- Sexu-bereizkeria egiteagatik zigor administratibo edo penalik jasotakoa ez izatea, eta diruzko edo bestelako laguntzak jasotzeko deialdietara aurkezteko debekurik ez izatea, otsailaren 18ko 4/2005 Legea, emakumeen eta gizonen arteko berdintasunerakoa, dela medio.
- Aurretik Sestaoko Udalak emandako diru-laguntzak behar bezala justifikatuak izatea. Ildo horri jarraiki, ez zaio diru-laguntzarik emango Udalaren aurreko diru-laguntzaren bat justifikatu gabe daukan ezein pertsonari, baldin eta justifikazioa egiteko epea igaro balitz deialdiari dagozkion eskabideak aurkezteko epea amaitzean.
- Egunean egotea zuzenbide publikoko zerga-betebeharrekin eta Gizarte Segurantzarekin.

Bosgarrena. – Balorazio-Irizpideak

Proposatutako jarduerak diru-laguntza jaso ahal izateko, baldintza hauek bete behar dituzte:

- Aurreikusitako jarduera bat etortzea deialdi honen Bigarren Baldintzarekin.
- Udalaren interes publikoa lortzen laguntzea, Sestaoko Udalaren esku-hartzea osatuz eta/edo ordeztuz esparru horietan.

Aurkeztutako programak baloratzeko, irizpide eta puntuazio hauek aplikatuko dira:

1. Eskatzailearen egoera ekonomikoa:
 - a) Langabezia egoeran daudela egiaztatzen dutenek eta/edo aldikako laguntza ekonomiak jasotzen dutenek, ikastaro intentsiboaren edo barnetegiaren kostuaren %75eko diru-laguntza jaso ahal izango dute. Gehienez ere 350 eurokoa izango da eskatzaile edo familia unitateko.
 - b) a) hizkian adierazten den egoeran ez dauden eskatzaileek, ikastaro intentsiboaren edo barnetegiaren kostuaren %50eko diru-laguntza jasoko dute. Gehienez ere 300 eurokoa izango da eskatzaile edo familia unitateko.
2. Intentsiboaren edo barnetegiaren iraupena:

Guztira: puntu 1.

 - a) Lau egun baino gutxiago: 0,6 puntu.
 - b) Lau eta hamabost bitartekoa: 0,8 puntu.
 - c) Hamabost egun baino gehiago: puntu 1.
3. Intentsiboan edo barnetegian egingo den euskara maila:

Guztira: puntu 1.

 - a) HABEko B1 mailara arte: 0,6 puntu.
 - b) HABEko B2 mailara arte: 0,8 puntu.
 - c) HABEko C2 mailara arte: 1 puntu.

Hala, ematekoa den diru-laguntza honako formula honen emaitza izango da: (Ikastaroaren edo barnetegiaren kostua pertsonako edo familia unitateko x 2. Irizpidea x 3. Irizpidea). Ondoren lehenengo puntuari adierazitakoa ezarritik.



Beti ere hartuko dira kontuan aipatutako muga ekonomikoak familia-unitate bakoitzeko, eta deialdi honetarako adierazitako 2.000,00 euroko aurrekontu-muga.

Seigarrena. — Dokumentazioa

1. Diru-laguntza jasotzeko eskaerak behar bezala beteta aurkeztuko dira deialdi honen I. Eranskineko eskabide-eredu ofizialean. Deialdia interesatuei entregatuko zaie Sestaoko Udaleko Kultura, Hezkuntza, Euskara eta Kirolak Saileko bulegoetan (Sestaoko Las Llanas Zumarkaleko 4. zenbakian, Castaños eraikineko bigarren solairuan).

2. Eskaerarekin batera dokumentazio hau aurkeztu beharko da:

- a) Nortasun Agiri Nazionalaren fotokopia, eta, horrelakorik izan ezean, Familia Liburuarena.
- b) Hartzekodunaren fitxa, behar bezala beteta, dagokion diru-laguntza ordaintzeko (deialdi honen III. Eranskinean zehaztutako ereduarekin bat). Bakarrik diru-laguntza lehenengo aldiz eskatzen bada edo aurreko diru-laguntzen eskaerakiko aldaketak badaude osatuko da.
- c) Gizarte Segurantzaren Diruzaintza Orokorren ziurtagiriak, bai eta eskatzaileak —izan pertsona fisikoa nahiz juridikoa— helbide fiskala duen Lurralde Historikoko Foru Ogasunarenak ere, non adierazten den eskatzaileak egunean dauzkala erakunde horiekin dituen betebeharrak. Aipatutako ziurtagirien datak deialdi hau «Bizkaiko Aldizkari Ofizialean» argitaratu eta gerokoa izan beharko du.
- d) Deklarazio bat non adierazten duen ez duela, izaera bereko beste laguntza —diruzko nahiz bestelako— batzuen testuinguruan, dirua itzultzeko inolako prozeduraren edo zigorren pean (deialdi honen II. Eranskinean xedatutako ereduarekin bat).
- e) Deklarazio bat non adierazten duen ez duela diru-laguntzak lortzeko debekurik jaso diru-laguntzei buruzko azaroaren 17ko 38/2003 Lege Orokorren 13. artikuluan xedatutakoaren arabera (deialdi honen II. Eranskinean xedatutako ereduarekin bat).
- f) Deklarazio bat non adierazten duen ez duela jaso zigor administratibo edo penalik sexu-bereizkeria egiteagatik, ez eta debekurik ere diruzko edo bestelako laguntzak jasotzeko deialdietara aurkezteko, otsailaren 18ko 4/2005 Legea, emakumeen eta gizonen arteko berdintasunerakoa, dela medio (deialdi honen II. Eranskinean xedatutako ereduarekin bat).
- g) Deklarazio bat non eskatzaileak adierazten duen ez duela inolako irabazi-asmorik diru-laguntzarekin lotutako jarduera edo proiektua gauzatzeko orduan (deialdi honen II. Eranskinean xedatutako ereduarekin bat).

3. Sestaoko Udalak dagoneko jaso badu baldintza honen 2. puntuko a) atalean aipatutako dokumentuetarik bat, eta hura aurkeztu zen unetik bost urte baino gehiago igaro ez badira edo aldaketarik egin ez bada, eskatzaileak ez du berriz aurkeztu beharko. Hala eta guztiz ere, halakoetan, eskatzaileak berariaz adierazi beharko du dokumentuen aurkezte-data eta zein prozeduratarako aurkeztu ziren, eta aldaketarik ez dutela izan aditzera eman.

Zazpigarrena. — Eskaerak eta epeak

1. Eskaerak, eskatutako dokumentazioarekin batera, Sestaoko Udaleko Erregistro Orokorrean aurkeztuko dira, Udaletxean (Kasko Plaza, z/g, Sestao) astelehenetik larunbatera, 9:00ak eta 14:00ak artean.

2. Eskatzaileak eskabidea izenpetuko du.

3. Eskabideak aurkezteko epea hogeita hamar (30) egun naturalekoa izango da, deialdi hau «Bizkaiko Aldizkari Ofizialaren» laburpenean argitaratzen denetik kontatzen hasita.



4. Epez kanpo aurkezten diren eskabideak ez dira onartuko, eta izapideak bertan amaituko dira. Hala adieraziko da deialdi honi dagozkion diru-laguntzak emateko prozeduraren ebazpenean.

5. Eskaerak aurkeztean, oso-osorik eta berariaz onartzen dira deialdi honetan eta Sestaoko Udalak diru-laguntzak emateko Araudian adierazten diren baldintzak.

6. Eskabideak behar bezala beteta ez badaude, edo ez badaukarte nahitaezkoa den dokumentazioa, eskatzaileari eskatuko zaio hamar laneguneko epean okerra zuzentzeko edo nahitaezko dokumentuak aurkezteko, eta adieraziko zaio ezen, hala ez egitera, eskaerari uko egin diola ulertuko dela. Uko-egite hori berariaz adieraziko da deialdi honi dagozkion diru-laguntzak emateko prozeduraren ebazpenean.

Zortzigarrena. — Izapideak, ebazpena eta errekurtsok

1. Sestaoko Udaleko Kultura, Hezkuntza, Euskara eta Kirolak Ataleko Burutzak izapidetuko ditu eskabideak.

2. Eskaerak jasotzen direnean, aipatu Buruzagitzak pertsona eskatzaileek deialdian eskatutako dokumentazio guztia aurkeztu dutela egiaztatuko du. Baldin gertatuko balitz Udal Ordenantzak, Sestaoko Udalaren diru-laguntzak arautzen dituenak, 8. artikuluko 6. ataletan aurreikusitako kasuetarik bat, eskatzaileari eskatuko zaio hamar laneguneko epean okerra zuzentzeko edo nahitaezko dokumentazioa aurkezteko, eta adieraziko zaio ezen, hala ez egitera, eskaerari uko egin diola ulertuko dela.

Era berean, aurkeztutako jarduerak eta proiektuak behar bezala baloratzeko, Burutzak egokitzen jotzen dituen argibide guztiak eskatu ahalko dizkie eskatzaileei, baldintzak hobe ezagutzeko helburuarekin.

Aipatutako jardunbideak amaituta, Ataleko Burutzak txosten bat egingo du, deialdian parte hartu duten 16 urtetik gorako pertsona fisikoei eta familiei eta diru-laguntzekin lotutako jarduera edo proiektuei dagokienez, behin-behineko ebazpen-proposamena egiteko. Txostenean adieraziko da ea 16 urtetik gorako pertsona fisikoek eta familiek eta jarduerak betetzen dituzten diru-laguntzak jasotzeko baldintzak, eta, hala dagokionean, zer diru-laguntza emango den deialdiaren Oinarriak eta Ordenantza hau betetzeko.

3. Behin-behineko ebazpen-proposamena egiten ondoren, Euskara arloko Informazio Batzordeak behin betiko ebazpen-proposamena egingo dio organo emaileari; baliteke proposamena Ataleko Burutzak egindako txostenarekin bat etortzea edo ez; nolana ere, proposamenak arrazoituta egon beharko du, eta bat etorri deialdian zehaztutako baldintza eta irizpideekin.

4. Tokiko Gobernu Batzordeak, behin ikusirik aipatu organo kolegiatuak egindako behin betiko ebazpen-proposamena, prozedura ebatziko du, dela behin betiko ebazpen-proposamenarekin bat eginez, dela hartatik aldentuz. Nolanahi ere, bigarren kasuan, arrazoiak eman beharko ditu, eta ebazpena justifikatu, beti ere aplikatuz deialdi honetan eta Sestaoko Udalaren diru-laguntzak arautzeko Udal Ordenantza xedatutako irizpideak.

Prozedura-ebazpenean eskatzaile bakoitzari emandako diru-laguntza adieraziko da, baita zein baldintzatan emango zaion ere (hala nola diruz lagundutako jarduerak, diru-laguntzen ehunekoak eta gehieneko zenbatekoak, jarduerak gauzatzeko epea, gauzatzea justifikatzeko modua eta epea, aurkeztu beharreko dokumentazioa, etab). Ebazpenean, halaber, gaitzetsitako eskabideak eta uko egindakoak azalduko dira, horretarako arrazoiarekin.

5. Diru-laguntzak gaitzetsiko dira baldin eta eskatzaileek, edo diru-laguntzarekin lotutako jarduerak edo proiektuek, ez badituzte betetzen deialdian xedatutako baldintzak. Era berean, diru-laguntzak gaitzetsiko dira dagozkien sailetan kreditu erabilgarriak agortzen badira.

6. Diru-laguntza eman edo ukatzen duen ebazpena jakinaraziko zaie eskatzaileei, eta beraren kontra jar daitezkeen errekurtsok adieraziko ditu.

Ebazpen hori Sestaoko Udaleko iragarki-taulan egongo da ikusgai hilabetez, Bizkaiko Aldizkari Ofizialean behin argitaratuta deialdiaren diru-laguntzak emateko prozeduraren



ebazpenari dagokion laburpena eta ebazpena ikusgai jarriko den tokia. Diru-laguntzei buruzko Lege Orokorrak 18.3. artikuluan aipatutako kasuetan, ez da beharrezkoa izango Bizkaiko Aldizkari Ofizialean argitaratzea, eta Udaleko iragarki-taulan ikusgai jartzen den informazioan errespetatu egingo da maiatzaren 5eko 1/1982 Lege Organikoak, Ohore-rako, Norberaren eta Familiaren Intimitaterako, eta Norberaren Irudirako Eskubidearen Babes Zibilar buruzkoa, xedatutakoa.

7. Ulertuko da onuradunek eman zaizkien diru-laguntzak onartu dituztela non eta, hamar lanegunetako epean —diru-laguntzak eman zaizkiela adierazten duen erabakia jaso eta hurrengo egunetik hasita—, Sestaoko Udalari ez dioten idatziz komunikatzen diru-laguntzari uko egin diotela.

Bederatzigarrena. — Onuradunen betebeharrak

1. Diru-laguntzen onuradunek betebeharrak hauek izango dituzte:
 - a) Deialdi honetako arauak zehatz-mehatz betetzea, bai eta diru-laguntzak ematen dituen udal-ebazpenean xedatuko diren gainerako baldintzak ere.
 - b) Diru-laguntza zertarako eman den, horretara bideratzea.
 - c) Matrikularen kopia aurkeztea.
 - d) Beste edozein erakunde publiko edo pribatuk emandako diru-laguntzak edo laguntza ekonomikoak lortuz gero, baldin Sestaoko Udalak diruz lagundutako jarduera berdina egiteko badira, horren berri Sestaoko Udalari ematea. Diruzko edo bestelako laguntza eskuratu bezain laster, horren berri emango da; jakinarazpenean, adieraziko dira entitate emailea eta jasoko den zenbatekoa.
 - e) Diru-laguntzen onuradunek, barnetegiko ikastaroa egingo ez balute, Udal Diruzaintzan sartu beharko dute jaso duten diru-laguntzaren zenbatekoa, egin ez duten jarduera programatuta zegoen egunetik hilabeteko epean.

Era berean, diru-laguntzen onuradunek, baldin eta, behin diruz lagundutako jarduera burututa, egindako gastua txikiagoa bada diru-laguntzan jasotako zenbatekoa baino, Udal Diruzaintzan sartu beharko dute diruz lagundutako gastuari aplikatu ez zaion zenbatekoa, jarduera amaitu eta hilabeteko epean.

Hori guztia diruz lagundutako gastuak justifikatzeko dokumentazioa aurkezteko epe orokorra gorabehera.

Hamargarrena. — Justifikazioa

1. Behin diru-laguntzari lotutako jarduera edo proiektua amaitzen denean, onuradunak dokumentu-justifikazioa aurkeztu beharko du, diru-laguntza behar bezala erabili dela egiaztatzeko.
2. Hau da justifikazio gisa aurkeztu beharreko dokumentazioa:
 - a) Jatorrizko faktura, barnetegiko egonaldia antolatu duen Euskaltegiak egina.

Onuradunak berekin gorde beharko balitu aurkezteko dituen jatorrizko justifikazio-dokumentuak, horren arrazoia idatziz adieraziko du dokumentuak, fotokopiekin batera, aurkeztean. Udal-zerbitzuek dokumentuok erkatu ondoren, jatorrizkoak zigilatuko ditu Sestaoko Udalak, eta jasota utziko da gastu horiek Udal honek diruz lagundu dituela. Ondoren, onuradunari itzuliko zaizkio.
 - b) Euskaltegiaren egiaztagiria aurkeztu beharko da. Bertan, jasota geratuko da onuraduna intentsibo batean edo barnetegian euskara ikasten ibili dela bakarrik edo familia-unitateko gainerako kideekin batera, eta eskatzen den gutxieneko probetxua erdietsi dutela.
 - c) Sestaoko Udalak beharrezkotzat jotzen duen dokumentazio guztia eskatu ahal izango die interesatuei, eskabidean adierazitakoa egia dela egiaztatuta gera dadin.
 - d) Jarduerak, Sestaoko Udalaren diru-laguntzekin ez ezik, beste diru-laguntza batzuekin ere finantzatu direnean, justifikazioan zehatz-mehatz adierazi beharko



dira zenbatekoa, jatorria, eta funts horiek nola erabili diren diruz lagundutako jardueran.

3. Frogagiriekin, ezinbestean, bat etorri beharko dute helburuak eta jarduerak gauzatzeko egin diren gastuekin, beti ere diru-laguntzaren eskaeran zehaztutakoari jarraiki. Ez dira justifikazio gisa onartuko bestelako xedeak gauzatzeko egin diren gastuak.

4. Gastuen egiaztagiriak justifikazio gisa onartuak izateko, eraman beharko dute diru-laguntza eman den denboraldiko data, hau da, 2019. urtekoa.

5. Diru-laguntzak ematea ezartzen duen ebazpenean zehaztuko da zein epetan justifikatu beharko den diru-laguntzari eman zaion erabilera. Guztiarekin, epea ez da inoiz hilabetetik gorakoa izango, 2019. ekitaldia amaitzen den unetik hasita, Udal Ordenezaren 11. 6. artikuluan xedatutakoa betez.

Baldin erabakitzen bada aurkeztutako justifikazioa ez dela nahikoa, 10 eguneko epea emango da antzemandako akatsak zuzentzeko.

Eskatutako zuzenketa egiten ez bada, diru-laguntzaren zenbatekoa egokitu egingo da behar bezala justifikatutako kopurura; ondorioz, kasuan-kasuan, diru-laguntzaren zati bat ordaindu edo itzuli beharko da.

Hamaikagarrena. — Beste baldintza batzuk

- *Lehenengoa*: Diru-laguntza ordaindu, itzuli, zigor-erregimenari eta beste edozein alderdiri dagokionez, deialdian aurrez ikusi ez bada, diru-laguntzak izapidetu eta emateko prozedura arautzen duen Sestaoko Udalaren Araudiak xedatutakoa aplikagarria izango da. Halaber, 38/2003 Legeak, Diru-Laguntzen Orokorrak, xedatutakoari erreparatuko zaio, aplikagarria den guztian.
- *Bigarrena*: Barnetegietan euskara ikasteko egonaldiak egiteko diru-laguntzak honela kontsignatutako sailaren kontura emango dira: 3350. programa, 48001. azpi-kontzeptua; esleipenak, gehienez, bi mila euroko (2.000,00 euro) muga izango du.
- *Hirugarrena*: Deialdi honek hizpide dituen diru-laguntzak ematea etete baldintzapean geratzen da; hala, kreditu egoki eta nahikoa egon beharko da kreditu horretatik eratorritako betebeharrak dagokion ekitaldian finantzatzeko.



I. DOKUMENTAU ERANTSIA

**SESTAOKO UDALARI DIRU-LAGUNTZA ESKATZEA INTENTSIBOETAN
EDO BARNETEGIETAKO EGONALDIETAN EUSKARA
IKASTEKO EGONALDIAK EGITEKO 2019AN****1. Intentsiboa egin edo barnetegira joango diren pertsonaren edo familia unitateko kideen datuak**

1.1. Izen-abizenak eta NAN zenbakia:

1.2. Helbidea:

1.3. Telefonoa:

2. Barnetegiaren kostuaren aurrekontua**3. Eskabide honekin aurkezten den dokumentazioa**

(Zerrendatu eta erantsi diru-laguntza hauen deialdiaren seigarren baldintzan eskatutako dokumentazio guztia. Baldin eta eskatutako dokumentuetarik bat dagoeneko entregatu bazaio Sestaoko Udalari, eta hura aurkeztu zen unetik ez badira igaro bost urte baino gehiago, edo ez bada aldaketarik egin, eskatzaileak ez du berriro aurkeztu beharko. Hala eta guztiz ere, halakoetan, eskatzaileak berariaz adierazi beharko du dokumentuen aurkezte-data eta zein prozeduratarako aurkeztu ziren, eta aldaketarik ez dutela izan aditzera eman).

.....n,koaren(e)an.

Izp. jauna/andrea



II. DOKUMENTU ERANTSIA

**ESKATZAILEAK DIRU-LAGUNTZA LORTZEKO DEBEKURIK
EZ DUELA ADIERAZTEKO DEKLARAZIOAREN EREDUA**

Nik, jaunak/andreak,
..... NAN zenbakia daukadan honek (2019ko urte honetan intentsiboetan edo bar-
netegietan euskara ikasteko egonaldiak egiteko diru-laguntzak eskatzeko Sestaoko Udalaren aurrean
aurkeztu dudak dokumentazioak egiaztatzen duenez),

ADIERAZTEN DUT:

Ezen, une honetan, ez dagoela pertsonarik ezta familia-unitateko ezein kiderik, Sestaoko Uda-
laren aurrean eskatzen ari den laguntzaren izaera bereko beste laguntza —diruzko nahiz bestela-
ko— batzuen testuinguruan, dirua itzultzeko inolako prozeduraren edo zigorren pean; diru-laguntzak
lortzeko, ez duela Diru-laguntzei buruzko azaroaren 17ko 38/2003 Lege Orokorraren 13. artikuluan
xedatzen diren debekuetatik bat ere; ez duela jaso zigor administratibo edo penalik sexu-bereizkeria
egiteagatik, ez eta debekurik ere diruzko edo bestelako laguntzak jasotzeko deialdietara aurkezteko,
otsailaren 18ko 4/2005 Legea, emakumeen eta gizonen arteko berdintasunerakoa, dela medio; eta ez
duela inolako irabazi-asmorik Sestaoko Udalarari eskatzen dion diru-laguntzarekin lotutako jarduera edo
proiektua gauzatzeko orduan.

.....n,koaren(e)an.

Izp. jauna/andrea



III. DOKUMENTU ERANTSIA
HARTZEKODUNAREN FITXA-EREDUA

1. Eskatzaileak bete beharreko datuak

- 1.1. Titularraren izena:
- 1.2. NAN:
- 1.3. Helbidea:
- 1.4. Udalerria:
- 1.5. Posta-kodea:
- 1.6. Posta elektronikoa:
- 1.7. Telefonoa:
- Tokia eta izenpetze-eguna:

Izp.:

2. Bankuak bete beharreko datuak

Egiaztatzen dugu goian aipatutako pertsona kontu honen titularra dela:

- Bankua:
- Agentzia:
- BIC kodea:
- IBAN:
- Herria:
- Posta kodea:
- Tokia eta izenpetze-eguna:

Bankuaren sinadura eta zigilua